

宋

會

要

諸寨襍錄

大中祥符二年十二月八日樞密直學士知秦州李濬
言黑谷頗有閑田今召得寨戶三百餘戶戶三丁計九
百餘人分住小洛門諸寨防邊今注諸寨

大中祥符七年三月二十二日荆湖北路轉運司言管
內漫水烏迷廬溪江口等寨軍為衝害以水為城難
於固守請令版築從之 四月十一日知秦州熊荆原
路安撫使曹瑋言西路舊無壕塹致蕃部屢有侵畧今
規度自永寧寨西城掘壕至撈囉吼凡五十五里已告

集廂軍寨戶赴役二十二日而畢詔獎之其董從使臣
將校並賜器帛版築成寨

大中祥符七年十二月二十二日秦州張佖上大洛門
新寨圖先是佖欲近渭置場採木蕃部聞之即徙帳而
去佖不能撫恤加賜以答其歡心蕃眾海之因叛卒鄉
道遂行鈔畧佖深入掩逐乃遁去至是部落遣人求和
未之許秦聽朝旨從上新寨圖

天禧元年十月七日秦州總管曹瑋等言本州所修大
小落門兩寨元獻他人舊官軍主末星族郢成斯那等
望補本族都軍主月給錢三十人當部正副軍主都指
揮使等雖各補職未給廩祿今請以新築三寨地基除

官廨營舍外許民修舍納租錢以給其俸並從之給寨
官俸

天禧五年七月七日涇原路駐汧都監王懷信言鎮戎
軍界浚壕築堡寨功畢詔賜將士緡錢有差浚濠築寨
天聖三年八月二十七日鄜延路都鈐轄司言昨準宣
於平川創置城寨功畢詔董役使臣通遷一官將校賜
帛有差蕃官本處支給茶緡仍降宣撫喻創置城寨

全唐文 寨

宋會要 益建城寨

慶歷二年二月十六日環慶路都總管司請於柔遠寨東節義峰馬鋪寨擇地益建城寨以牽制賊勢涇原路又請於細腰城屬羌地內建寨以接應兩路出兵並從之十月二十五日詔涇州南有間路自宜祿縣徑至邠州宜令置城寨以守之

羅徊峒寨

皇佑二年二月二十九日廣南西路鈐轄司請於邕州羅徊峒置一寨以扼廣源州蠻賊從之

修置城寨

治平四年閏三月三日神宗即位未改元陝西四路沿邊宣撫使郭遼言秦州青雞川蕃官首級藥廝哥等獻青雞川地土多長城寨招置弓箭手本司體量若於青雞川南牟谷口修置城寨則秦州與德順軍沿邊堡寨相接足以斷賊來路已發兵夫修築去乞詔遼具所修青雞川一帶大小堡寨四至役人工料向去合用戍兵幾何件析以聞

約束堡寨

治平四年四月十八日詔秦州德順軍慶州近割置雞川治平荔原等堡寨本爲防托邊界屬戶通行兵馬令道路不得多招漢戶居止當切約束無令過一百戶

供給城寨

熙寧三年十一月二十四日詔近以河外城寨守具廢弛當職官吏已等第責罰訖訪聞前後不惟城寨使臣因循縱有勤於職者亦多為監司沮止所乞兵匠物料不即應副雖欲自謁勢不可得今既懲勵因循俾小大必盡其力須宜開自達之禁以防壅塞可議立法進呈樞密院言欲令陝西河東經略轉運司今後如有城寨等處官吏中乞兵匠物料反應于戰守脩豫事件疾速相度應副不啻關揆如累申無報許本處直具事因以聞從之

增置堡寨

元豐三年八月四日湖南安撫使謝景溫轉運副使朱初平判官趙揚言知邵州關杞乞於誠徽州融鎮置城寨可絕邊患然興役動衆之初須當量差兵馬防托乞下沅州相度如合增置堡寨亦令乘此機會擇要害之地同時建立兩路協力兵勢益張城寨既成道路通達彈壓蠻徭不至生事從之仍差潭州駐劄京東第一將權駐邵州

建築城寨

元豐三年十一月一日荆湖南路安撫司言乞依湖北沅州例募禁軍同丁夫建築邵州溪峒城寨從之

修葺城寨

元豐四年三月二十七日樞密院言元祐中給賜城寨
唯鄜延路米脂浮圖未曾修築將來秋冬賊萬一固
弱可乘機便次第修復須預計材植防城樓櫓并板築
之具况見今修葺沿邊城寨及樓櫓之類苦以此為名
選將佐量帶兵甲領役兵於邊界採木及優立價直召
漢蕃人戶於邊城寨中賣應用免致於近裏計置般運
詔鄜延路經略使詳此密切準備一千二百步八百步
城寨各一座六百步城寨二座合用材植樓櫓防城器
具以至板築所須之物就近使處計造足備候將來乘
機修復毋致闕誤仍具措置次第以聞

鄜城寨丁稅

元豐四年四月七日知沅州謝麟言準詔置托口小由古城奉愛四寨既築四寨其黔陽縣等並在腹裏合減戍兵五百五十人防托新寨乞置博易務四寨民性頑犷幸各安居已晚諭赴所屬寄納弓弩欲它為買之漢江產麋金欲募人淘米中賣以業游手并乞蠲城寨身丁稅七年從之

修建城寨

元豐四年四月九日樞密院言蘭州近修復金城關繫就浮橋湟原進築古高平沒煙峽城寨下瞰天都不遠尚未與熙河連面通徹如將來湟原舉動進築天都鐵鐙川蕭磨移隘等處又須兩路聲勢相接乃可為肘臂

宜更自熙河安西城東北青石峽口青南訥心東冷牟
至會州以來相度遠近修建城寨仍自會州入打繩川
建置堡寨直與南牟會相接即與涇原互相照應詔令
章采鍾傳究心體訪山川地里遠近與控扼要害合修
築處如何舉動可保全勝具狀以聞

新建城寨

元豐四年四月二十一日沿邊安撫公事張瑑言前石
門好水河新建城寨乞創置將副各一員以涇原第十
一將兼提點兩城寨及招置漢蕃弓箭手為名石門城
差官八員知城一員以大使臣充都監監押共三員以
大小使臣互充巡檢四員以小使臣充好水寨差官七

員寨主一員以大使臣充都監監押共三員以大使臣
互充巡檢三員以小使臣充乞並以二年為一任除依
本路極邊城寨官巡檢合得酬獎外每員更與特轉一
官內將官陞路分都監副將陞正將如係正將差遣亦
依正將例知城寨主陞副將兩城寨各乞置酒稅務官
一員寨主簿各一員詔從之

相地建寨

元豐四年十一月九日涇源路轉運判官張太寧言白
兜嶺以北山險可就嶺南相地利建一城寨使大軍自
鎮戎軍截糧草至彼更於中路築立小堡以相應接如
此則可省民力之半又言臣觀葫蘆河一川南北平坦

地皆沃壤若有堡寨可依則其田盡可募弓箭手廣令
墾闢止以遣回空夫併力修築若堡寨既成則地基酒
稅並可經畫資助軍費上批付盧秉曰張太寧奏乞城
蕭關故城以為根蒂成效已見於熙河自城蘭州及展
置戎壘之後羌人相繼降附者已數萬帳迄今效順接
跡不絕卿其早圖為之

耕種五寨

元豐五年正月五日鄜延路經畧司乞以新收米脂吳
堡義合細浮圖塞門五寨地置漢蕃弓箭手及春耕種
其約束補職並用舊條又言新收五寨雖各據地利險
阻然守具未全糧儲露積人兵無所存庇欲於側近那

廂軍三千應副工作及指揮轉運司糧儲但輸安寨堡候城寨可守則移運並從之

城寨省費

元豐五年二月十八日詔令延州沈括用兵未艾正當愛惜財用其城寨尤宜百端省費乃可萬全保據無虞當無事時節妄增城守兵馬一則傷財一則疲力令一方邊計悉青在卿一有闕誤必正典刑

四寨移用

元豐五年三月十三日詔都大經制瀘州夷賦林廣梓州路轉運副使苗時中詳度以新修腹裏武寧大碕開遠平夷四寨約新收樂共江門鎮溪梅嶺大洲五城對

一行毀廢城守之具皆可移用可權留開封府界第四將
兵馬防托其義軍弩手從軍已久並湖北雄畧隔路皆
可遣歸

城寨住役

元豐五年六月五日上批涇原路進築城寨已降朝旨
權住興役其李憲去年功賞未曾施行於是除憲景福
殿使武信軍節度觀察留後仍賜銀絹各二千疋兩

可建一寨

元豐五年七月二十三日詔鄜延路見修六寨其長城
嶺寨以西接連環慶路金湯白豹已指揮環慶路差二
萬人並邊照應若別無興作即是虛勒軍馬令徐禧沈

括計議其當進築城寨處與曾布議定以聞八月二十
五日環慶路經畧使曾布言洛原故城可以建一城白
豹和市可以建一寨宮馬川可以建一堡從之令李察
應副候鄰延路兵勢相接方興版築

量置城寨

元豐五年八月二十四日權荆湖北路轉運使趙楊等
言巡歷至誠州城池樓櫓足以保民防患上江多星銅
鼓羊鎮等團並至城下貿易可漸招撫置城寨及下荆
湖南路安撫轉運司委知邵州關杞於時竹縣招諭芙
蓉石驛未歸明人戶詔且令招納未得置城寨

進築城寨

元豐五年九月十四日鄯延路走馬承受公事楊元孫
言新修永樂城畢九月七日沈括先部中軍古軍左虞
候軍至米脂寨候總管曲珍將四軍及選鋒至進築城
寨又言進築城寨切不可遲西賊既失橫山非燒必陷
絕滅上批付沈括徐禧李舜舉若留兵三千在銀川
寨為戰守之備移大軍修築以次城寨如此措置有無
利害詳度一面施行是月二十日城陷

分寨便利

元豐六年五月十三日西上閤門使果州刺史謝麟言
先準朝旨撥托口小由貫堡豐山四寨并若水滄隸屬
誠州緣沅州與誠州元自梅口江為界今因割移四堡

遂以洪江口為界自洪江口至梅口江約三驛又從括
口寨盧陽縣界至梅口江約四驛削取沅州封守附益
誠州大廣不惟沅州戶賦人兵不足以成郡兼誠州見
招納上和潭溪等洞自可以開托疆封兼結狼九衛等
諸洞並在托口寨西南見隸沅州水陸道皆出托口寨
設或溪洞入寇誠州地遠力不能制沅州又為托口等
寨所隔難便措置或以生事乞以小由托口兩寨依舊
隸沅州以大由築溪峒割隸誠州從之

寨上監押

元豐六年七月十二日河東沿邊安撫司言代州陽武
等一十寨寨主監押每寨兩員乞許自本路經略安撫

司及本司於大小使臣內擇一員保明申尚書吏部指
差外一員即自吏部差注上批地接契丹界其事甚重
宜特依所奏

新復四寨

元豐七年四月十三日鄜延路經畧司言準朝旨呂惠
師言新復四寨深在生界未有堡障應接若遣人牛耕
種或見侵畧勢不萬全乞候地畢了日施行從之

新置堡寨

元豐七年六月十三日賜廣西路經畧司度牒二百道
應副融州新招溪洞置堡寨

置寨防守

元豐七年八月一日荆湖路相度公事所言王江一帶
自大湓口以上接連檀溪諸蠻與今道路相接朝旨專
委主管廣西經畧司機宜文字程節招納措置本處地
里闊遠蠻已歸附須築一堡寨以為守備詔節言王江
上流地名安口控扼諸峒其地寬平可建成寨然由王
口而上經大湓口老江口皆生蠻徭團族唯以畧峒民
板木為生今雖效順各有俸給若建城寨亦須兵威彈
壓今欲沿公江及中心嶺各治道路漸進先置堡鋪於吉
老江量為留兵丁以防鈔截糧道然後安可以積功又
言王江一帶團峒東由王口三甲西連三都樂上南接
宜州安化北與誠州新招檀溪地密相鄰比熙寧中嘗

遣承制劉初領兵丁置寨於安口諸蠻併力殺傷官軍
自此蠻情愈更生梗今偏招納例皆效順既當開道路
置堡寨解鋪分兵丁防守乃為久安之計又緣事干兩
路與該州同時措置度使諸蠻力有所分易為辦集從
之

寨主同事

元祐元年二月二十一日詔諸將兵在鎮寨非將官駐
劄者監鎮寨主依知縣法同管公事著為法

新路寨基

元祐四年正月二十四日考功員外郎孫路言龔谷寨
新路寨基有未使者三地形側峻南帶高阜戎馬可以

下臨一也土燥不可加板築二也寨基四新井皆在質
孤河內濬水別無泉源緩急必見闕用三也詔劉辟欽
相度具利害以聞

給賜四寨

元祐四年六月八日樞密院言提荅夏國詔交割永樂
臨洮人口計口文與賞絹仍將葭蘆米脂浮圖安疆四
寨給賜夏國從之詳見夏州門十月十九日樞密院言
環慶路經畧司奏準鄜延路經畧司牒夏國指定十一
月十日交付人口却欲同日受領四處廢砦切度夏國
必是其日放出人馬逼脅驚擾所棄地內住坐漢蕃弓
箭手散在郊野有害截斛食及土棚屋室枉致委棄雖

有護防人馬豈能周通欲令便將棄_地內漢蕃人戶先
次遷移將_若內官物亦行般運務於交送人口日前事
畢詔並依所乞其葭蘆米脂浮圖安疆寨外如有住坐
人戶亦合依此施行 紹聖元年五月十四日殿中侍
御史郭知章言先皇帝開地進壤扼西戎之咽喉如安
疆葭蘆浮圖米脂四寨據高臨下宅險過衛元祐初委
而棄之外示以弱寔生戎心乞檢閱議臣章疏顯行黜
責給事中王震言錫地之事既往無及願告以親攬權
綱且罷畫疆之義三省樞密院同奏曰既以詔可令遽
絕之將生弊端不若令邊臣商議待其背約然後絕之
上曰朝廷不可以憚用兵向者大臣憚於用兵故錫地

以示弱章惇等因開列初議棄地者自司馬光文彥博而下凡十一人惇且言光彥博主之於內趙鼎范純粹成之於外故衆論莫能奪若孫覺王存輩皆闇不曉事妄謀計者耳至於趙鼎范純粹明知其非便而首尾異同以傳會大臣可謂挾奸罔上不可不深治也 七月二十七日詔唐義問罷知廣州以御史朱之邵言在元祐中棄渠陽寨也 九月二十六日三省樞密院言諫官張商英言昔廢渠陽寨及敗蠻賊日有本路轉運使李洸牒轉運判官蘇泌同上表稱賀泌獨奏以謂渠陽之患自廢軍為寨蠻情不安以至連綿用兵不已今首惡未誅邊患未息理無可賀朝廷惡其異論遂改除知

號州因死於官又知蘇州吳居厚言元祐初夏人再入貢日臣寮上章乞棄先帝所建城寨者中外不一獨本州前殿中侍御史林旦上疏極言城寨之不可棄者凡十事朝廷亦悉其異論遂罷御史今已物故乞各官一子上曰所言固當矣然各述所職恐難為一一推恩蓋論議固有不同且如乞復役法之類言者豈少哉但恐攀援不已宜謹此例也更宜檢尋故事章惇等奏曰更俟檢尋但恐無此比者二年十月二十九日樞密院言環慶路經略使孫路奏請來春併力修復已給賜葭蘆米脂浮圖安疆四寨詔孫路今後凡事不得輕有舉動三年九月七日樞密院言河南環慶路元祐中皆

曾給賜夏國城寨基址見存可以經營檢視復行修建
庶令彼界知我有舉動之意處處為備不敢併兵親犯
一路詔河東路經畧使與石州張搆知嵐州王舜臣同
共相度舊葺蘆寨地形合修城圍地步大小及興築之
際應合措置事條具以聞

點檢鎮寨

紹聖二年正月十八日樞密院言請沿邊城堡鎮寨應
有公使錢處並依例策供饋本處有職事官及鳩設漢
蕃使臣兵員如敢於例策外輒有饋送并知而受者並
坐違制妄送路經畧安撫鈐轄司近李點檢從之

復修城寨

紹聖三年十月二十二日權發遣環慶路經畧安撫使
孫路言準朝旨元祐中曾給賜夏國城寨基址見存可
以復行修建本路安疆寨元祐四年內給賜夏國並以
毀撤若復興築則邊面與廊延德靖寨本路東谷寨東
西相照最為要害須候春首賊中士馬羸弱遣將兵自
大順城出界討蕩一面版築約二十日可以畢工詔孫
路安疆寨修城材植器用并團敵馬面樓櫓等宜定的
確數目畧行計置委有間隙可乘出其不意興工修建
務要神速

整葺城寨

紹聖四年二月二十八日涇原路經畧安撫使章楶言

朝旨如善征泊伯不可進築更謀所以便利邊防者按
善征泊伯去得勝寨百餘里水泉絕少役既深入地無
控扼未見可城之利今相度本路熙寧寨對境沒烟前
峽懷遠寨對境後石門兩處地形便利可以建築夏賊
謀寇邊之日久若非先事候情奪其腹心而使之益得
以為計則我之費役愈大今乞於沒煙前峽建城古高
平上下建堡以接熙寧石門建寨福江川建堡以接懷
遠及於去秋所破沒烟寨子因其故寨整葺城守詔熙
河秦鳳環慶路將佐能討擊捍禦防托進築成功當議
比安西城優賞之

修葺城寨

熙聖四年三月二十七日樞密院言元祐中給賜城寨
唯廊延路米脂浮圖未曾修築將來秋冬西賊萬一因
弱可乘機便次第修復須預計材植防城樓櫓并板築
之具況見今修葺沿邊城寨及樓櫓之類若以此為名
選將佐量帶兵甲領役兵於邊界採木及優立價直召
蕃漢人戶於沿邊城寨中賣應用免致於近裏計置般
運詔廊延路經畧使詳此密切準備一千二百步八百
步城寨各一座六百步城寨二座合用材植樓櫓防城
器具以致板築所須之物就近便處計造足備候將來
乘機修復 闕誤仍具措置次第以聞

新築三寨

元符元年二月十四日樞密院言近降指揮令章榘鍾
傳等相度會合三路兵馬進築令據章榘鍾傳等候計
置糧草及城守之具足備或乘春草長茂伺隙進築乞
且依已降朝旨各於本路進築候有間隙即依朝旨施
行續據鍾傳申到渭州與章榘論議正原等處進築無
不合天都一帶無草候計置有備同共進築令涇原九
羊谷熙河巔耳關逐路自合先次興築須於旬日之內
了當其沒烟峽口至平夏城止二十里熙河青南訥心
去巔耳關不遠斟酌機會乘此修築一面從長於行仍
仰章榘於新築三城寨增置糧草足備可以興舉即關
報鍾傳依所降朝旨會合三路兵將進築沒烟後峽正

原等處詔令章築鍾傳遵依施行如逐路利害不同聽
各具所見以聞 二月二十九日詔章築候進築九羊
谷了日乘勢於沒烟前口進築仍速同劉河李諫等計
置合要防城器具及板築所須之物乘此機會務要神
速成就仍先計會鍾傳相度次第聞奏

增築城寨

元符元年五月十八日涇原路經畧使章築言已出師
於沒烟前峽等處築城寨詔賜軍兵等錢有差

築寨賜物

元符元年六月十四日涇原路經畧司言進築沒烟前
後峽兩寨畢上詔章築已下等第賜物有差

築寨應賞

元符二年四月二十五日廊延路經畧司言近於安寨堡北威戎殄羌之門相視地名白落箭可以築城寨控扼賊馬尋指揮都鈐轄苗履等統制兵馬進築已畢賜名威羌今又築那娘山青高山并盧關寺峴峯堡寨並畢其那娘山賜名殄羌其苗履等功狀應賞詔等第與轉官減年支賜

修築城寨

元符二年四月二十八日樞密院言近西人差使詣闕計告兼附表狀謝罪朝廷雖未聽許緣諸路新舊城寨形勢利害不同其烽臺坐團口鋪及人馬斥候所至各

未經措置如涇原路進築天都南平會城猥即斥堠當
葫蘆川東北及輕羅浪以外環慶路定邊城當自杏桓
樓羅箭至安州界橫山寨即自之字平青崗峽至青達
軍界打薑會板井一帶照河路修築東冷牟會州打繩
川城寨即當至韋精川一帶及並黃河至墩至東西關
堡及金城關以外皆是合要置峯臺堡鋪及人馬斥堠
所至之處鄰近河東路亦合依此修築務要占據橫山
及河南一帶形勝於邊防控扼有經久之利詔陝西河
東邊路師臣委近上兵將官從長按行修築其地名及
與備邊新舊城寨相去遠近以圖來上

築寨畢工

元符二年五月十四日胡宗回言築白鵝尾當背城寨
畢工詔入後漢蕃兵人各賜錢有差 八月二十五日
端明殿學士中大夫河東路經畧安撫使知太原府林
希為太中大夫省政殿學士以進築大和等柵堡寨畢
工也朝奉大夫提舉江寧府崇禧觀孫覽為寶文閣侍
制知光州以前知太原進築烏龍神泉寨畢工也 二
十六日保信軍節度婺州延州管内觀察制置等使鄜
延路經畧安撫使兼知延安府呂惠卿特授檢校司空
改武勝軍節度加食邑實封以進築暖泉寨金湯城畢
工也

城寨不可棄

元符二年五月二十二日龍圖閣直學士涇原路經畧
安撫使兼知渭州章崇充端明殿學士客省副使高士
敏為高陽關路鈐轄內殿承制吉先特授閣門通事舍
人就差權發遣瀘州以上於禁中得先元祐中所上書
言諸路城寨不可棄及既廢保甲而已減之兵額不復
增緩急必致闕事故有是命

葺新城寨

元符二年八月十五日尚書省言熙河路撫納西蕃部
族內邈川河南皆已歸漢詔賜錢八萬緡計置修葺新
城寨材物畱糧

廢併城寨

元符二年七月十四日鄜延路經畧司奏欲併廢順寧
白草等寨詔從之將來更有似此可以廢併去處速具
聞奏

收復城寨

元符二年閏九月四日詔鄆州澧州并河南北新收復
城寨並隸隴右仍屬熙河蘭會

修築兩寨

元符三年八月二十三日三省樞密院同進呈胡宗向
奏已修築瓦吹隴朱兩寨欲令速於秋前畢唯留省章
峽以候來春衆皆云業已興工今欲止之無及矣曾布
曰若聽修築亦便可絕西賊來路不爾若今秋更犯邈

川即愈勞費上曰今日邊事不可少有進退市曰誠如
聖諭一處退則諸路皆動搖矣

量廢堡寨

元符三年十月十四日敕荆湖南北廣南西路朝廷疆
理四海務在柔遠頃荆湖諸蠻近漢者無所統一因其
請吏量置城邑以撫治之後東邊城希功獻議創通融
州道路侵逼峒穴致生疑懼朝廷知其無用旋以裁減
而邊吏失於撫迨遂爾扇搖作過然按其地止是道路
蠻人因使臣劉宗閔焚毀舍屋寅緣生事殺生兵丁繇
此自疑下敢出首今宗閔已追官勒停外其湖北廣西
見作過楊晟臺等特免追討除存留守把兵丁外並罷

添屯兵馬其湖北所開道路創置多星牧溪天封羅蒙
大由等堡並廢廣西湖南創置堡寨令經畧鈐轄司
量度准此

建築兩寨

崇寧三年七月二十五日中書省樞密院奏皇城使康
州刺史知施州史宗詠中承樞密院劄子夔州路轉運
司奏昨被旨進築施州城寨今已建兩寨五隘七鋪開
拓地土疆界近五百里有功人乞推恩數內宗詠特與
轉一官回授與五服內有官親屬

復置寨主

崇寧五年九月三十日照河蘭湟路經畧安撫使司狀

勘會鞏州管下通渭縣元係守禦寨欲乞將通渭縣復
為寨依舊置寨主盟押各一員臣相度通渭縣委是控
扼淺井岷羅和市結珠龍化川子一帶賊馬來路逼近
西界若改復為寨委得經久穩便從之

築寨轉官

政和四年十二月十七日梓州路計度轉運趙適奏戎
州石門馬湖新民納土興建祥州并有兩縣五寨畢工
及建築滋州仁懷縣官吏詔並特轉一官

築寨賞功

政和六年十一月四日詔御前差往宣賜陝西進築城
寨賞功官吏入內武功大夫惠州刺史李諒平貨西場

應副已轉一官賞功依例合轉一官將兩官併轉遙郡
團練使馮思永等四人各轉一官並不隔磨勘

版築諸寨

政和六年十二月十四日御筆熙河造邦三十餘歲而
居圉未全比命偏師扼其襟喉衆勝版築以及諸路凡
二十餘堡寨拓地二百餘里軍執可轉一官劉正夫鄭
居中蔡京並回授有服親兼依轉官例施行

關寨選官

政和七年三月十四日詔沿邊巡尉關寨武臣並樞密
院選曾歷邊任有方畧或戰功人充任滿無遺闕與酬
獎
六月二十四日涇原路經畧使席貢奏應副修築

密多臺飛升塢兩新寨照管堡子七座烽臺十八臺了
當與勘密多臺已賜名威多寨飛升塢賜名飛升寨詔
席貢與轉一官 八月二十日詔瀘南城寨招安把截
將之類以年勞累遷都史官并舊官吏界巡檢等舊法
須候立功方得遷轉及出官若不生事功何由立甚非
綏靖之策今後如實歷五年滿日能彈壓邊界別無生
事招安將合出官者特與出官舊官巡檢等與轉一官
量增益祿稍有生事重行典憲

措置城寨

政和八年七月二日樞密院言知瀘州龐恭孫申瀘南
溪洞轉運副使盧知原措置近城寨所管田土以厚薄

一分為兩等據見管勝兵揀選到疆壯堪任戰守一千四百九十一人并寄招到二伯三十五人收買耕牛農具起蓋茅舍安泊及借貸官錢糧米使得專一開墾今年夏麥成熟並皆安居有業分苗赴軍城寨堡守禦隨逐禁軍教閱頗見職事優異欲望特將虛知原優與推恩外有軍城寨堡官亦乞一例量與減年或免短使詔靈和京特與轉一官其軍城寨堡官各減三年磨勘

築寨被賞

政和八年八月十日陝西河東河北路宣撫使司奏平蕩仁多泉藏氏河兩軍城及進築靖夏制戎制羌三城寨了當陝西茶馬提舉轉運提刑等宜被賞典詔程唐

等七人各陞職二等仍轉一官

廢罷三寨

宣和四年十二月二十九日詔長寧軍武寧寧遠純州
邊垣三寨元豐所至控扼要害之地前降廢罷指揮勿
行從權潼川府路提刑鄭庭芬之請也

營寨置屋

建炎二年正月十日詔臺從一行軍馬見在揚州諸處
剗寨庵春兩淋漓及地卑濕潤暴露不便令揚州計會
都統制官合用營寨地步於城中踏逐空地酌度人數
標撥營寨地基令逐軍將佐自築地基開通溝渠外設
營寨牆圍分布行列搭蓋一體木柱梁棟竹椽起脊簷

屋務令堅厚可避風雨其合用材木令御營使司會計
實數令戶部支錢下諸處依市價收買所有圯移汧流
居養安濟屋宇充營寨內統制統領將佐等官居住令
逐處依元間隊逐一記號務令便可卓立如內有椽棟
等材植損爛比舊數少即令逐處補足起發

民自為寨

建炎四年六月四日臣僚言切聞江北諸郡之民有誓
不從賊者往往自為寨柵群聚以守在和州則有雙山
雞籠二山寨麻胡阿育二水寨在廬州則有浮槎方山
等寨在滁州則有獨山等寨每寨多至二萬餘家遇虜
騎至則出沒掩襲故獲頗多自虜騎南渡以來不聞朝

廷詔執政擇可使三二人齎詔遍詣逐寨諭以恩意寨
柵首領有功績者命鎮撫使保奏推恩從之

隨宜置寨

建炎四年八月二十一日權發遣南康軍甄米言本軍
累經殘破蓋緣並無城池捍禦盜賊近城有廬山最是
險隘可置寨柵之隨宜措置山寨積穀聚財堅為死守
之計詔依仰隨宜措置山寨積穀聚財仍遇有緊急方
許退保

險隘立寨

建炎四年九月三日臣僚言切見朝廷措置防秋衛信
諸郡當江湖數路衝要雖奉指揮建立寨柵而計置未

盡其間有方行修築而慢工斲其力未甚如法者或稍似牢密而他岐捷徑不能盡絕者徒殫民力無補國事乞差精彊諳練守禦之官前去諸郡以及江西同本路監司守邑令尉本^村社長同^回相視子細計畫必於危險之地始立隘柵倘有山徑之蹊必盡杜絕使人力必可守而兵勢必不能破者然後併工修築合衆備捍詔令衛信州守臣并逐路提刑司嚴切措置十一月十四日樞密院言已降指揮令兩浙州縣官說諭土豪聚兵習武於險扼處置立寨柵片垵保全鄉閭血屬今據探報金人侵犯通泰揚州宜差官前去相度檢察詔差樞密院^幹辦官顏為前去浙西編修官王銍前去浙東編

詣點檢仍具逐旋點檢過數去處申樞密院

仍復舊寨

紹興四年九月十日廣西轉運提刑司言勘會平觀州
因僻本路有害無益合行廢罷令相度欲乞依祖宗舊
制罷觀州為高峰寨平州為王口寨詔平觀二州廢罷
依舊為寨其兩州知州改知寨逐寨人兵令帥臣斟酌
更與存留先具知稟及存留人數事狀聞奏 五年七
月二十六日廣南西路經畧安撫使李彌大言切謂朝
廷廢罷平觀二州命令已行必不復置今乞於舊觀州
高峰縣添置都巡檢一員正法一百人通本案舊兵共
五百人於舊觀州元置都巡檢廨宇處駐劄王口寨於

舊平州宜良江口駐劄同巡檢改作都巡檢使更添正兵一百人通本寨舊兵共五百人並帶提舉諸堡寨盜賊公事從之

以縣入寨

紹興十一年九月一日荆湖南路安撫轉運提刑司言乞將武崗軍綏寧縣移入武陽寨為縣卻移武陽寨入扶藪置寨仍將武陽寨元管軍兵三百人分撥在綏寧武陽岳溪三寨各以一百人為額彈壓防遏溪洞等使喚從之

開人戍寨

紹興二十六年十二月十三日臣僚言成都府夔州瀘

州路嘉敘黎雅等州有關城堡等寨屯戍人兵控制諸
蠻其知城寨言多是制置安撫司因私謁更互差權類
皆營私苟且下恤邊事欲乞嚴差辟之法定資任之制
上諭輔臣曰蠻夷桀黠從古而然唐以前屢被侵擾入
川蜀自太祖兵威撫定以大渡河為界由是不敢獨擾
然沿邊控禦兵官豈可非人湯思退奏曰欲下吏部措
置令本路安撫司選擇差官申制置司體量廢革前弊
上曰甚善

置寨彈壓

紹興二十七年六月十一日權發遣邕州田經言左右
兩江並是歸明羈縻州洞居止外通交趾諸藩自來於

溪洞內置五寨鎮彈壓洞民每寨有都同巡檢知寨都
監主簿及兵級三四百人請受全籍知寨主管博易場
及溪洞苗米稅賦等應副支給及修葺城塹每官到罷
各有酬賞惟知寨更添減年最為親民要職近來多是
士人及待闕官時暫權攝既不應賞格無所顧藉與溪
洞官典通同交易是致財賦匱乏支遣不繼兵級逃遁
十存二三城塹傾頽殆將過半乞行下本路帥司今後
知寨不許差人權攝須踏逐有材武廉謹人奏辟正任
中朝廷差注任滿候正官交替方得離任有事故者以
次官兼寨寨中所管稅賦仰本江都巡檢互相關防庶
可招填土兵修葺城塹以實邊面從之

修蓋寨屋

紹興三十年五月十一日詔已降指揮令李若川修蓋江州寨屋其合用錢物仰將的確有案名錢物支撥具支過錢數申尚書省除破仍就用係官竹木如無即依市價收買不得科數搔擾如違重行黜責 二十五日詔霖雨積日諸軍營寨慮有損漏及低下積水多處可令三衙檢視關報兩浙轉運司目下計料修治具合用錢申尚書省支降主帥常加存恤士卒毋令私役及抑勒買賣科擾居民

為山水寨

孝宗隆興元年十月二十七日臣僚言淮上諸郡民兵

結集於州縣城郭者為山寨在外之鄉村者為水寨所謂守領者多平時富豪精壯可以撼動一鄉者為之其徒亦多驍健勇敢欲望行下都督府專委兩淮守臣各拮青木川山水寨首領姓名保明來上先次量補官資專一衷集鄉兵俾之團結明立賞格次第遣補仍委守臣嚴務鈴束一有緩急並令入城守禦以壯方面以助軍聲荆襄邊郡亦乞行下制置司依此施行詔令江淮都督府湖北京西制置司措置

請罷寨官

隆興二年二月四日直秘閣王晞言嘉州一帶邊寨祖宗以來選差土豪把截號為寨將其後乃置寨官專務

梏刻多於蠻界採取蜜蠟紅柔蠻人所不能堪竊謂寨官可罷依舊祇令土豪寨將統率防捍詔四川安撫制置司同監司限一月看詳乾道元年八月九日廣南西路經畧安撫司言宜州管下恩立寨帶溪寨及昌化軍延德寨皆因一時申請令帥司舉辟判司簿尉文學等官充以二年為任任滿與循兩質別無職事不曾到寨止干求州縣在外居止任滿希求酬賞欲將宜州昌化軍四寨主簿四員省減今後更不差置從之

置寨駐劄

乾道二年十月三日詔韶州樂昌縣平石巡檢改稱韶州曲江樂昌乳源三縣巡檢移於橋村煙置寨駐劄先

是廣東諸州言韶州管下險遠每有盜賊劫奪鄉民更無蹤跡可尋其巡尉亦憚山行巡警不到若抵界不置官兵彈壓久必生患乞改樂昌縣平石巡檢為韶州曲江縣樂昌乳源三縣巡檢移於橋村煙置寨柵招足土軍一百人專一往來三縣巡緝盜賊故有是命

保險為寨

乾道四年三月二十一日知楊州主管淮南東路安撫司公事莫濛言楚州鹽城馬邏諸處有路可至通秦欲使居民保水險設為莊寨以自固上善其論詔可

分置守寨

乾道四年五月二十日荆湖北路安撫提刑轉運等司

言本路管下地分間遠港汊甚多緩急盜賊切發卒難
會合艱於擒捕契勘通濟口大江一帶正蜀中綱運及
上下客旅經由之處公安縣雖有巡尉巡檢係轄江陵
公安兩縣兼於江陵縣置寨水陸間遠竊見峽州見有
蜀江沿江巡檢二員又有歸峽州荆門軍三州都巡檢
使一員境內盜賊肅靜今相度欲於數內移蜀江巡檢
一員將帶所管土軍器械於荆南沙市置寨却移江陵
公安兩縣巡檢并土軍於公安縣置寨與石首監利潛
江三縣巡檢接連往來巡警自監利縣魯家洲入沱內
至漢陽軍通濟口一去水路約七百餘里並無巡檢彈
壓盜賊無以畏憚今相度欲於沱內地名新灘向下沿

所下本有
荆南沙市鎮
主管烟火魚
酒稅元差武
臣類多擾擾
乞改差經任
文臣提之

流荒遠處創置巡檢寨一所其巡檢乞以漢陽軍通濟
口至魯家狀池內巡檢新灘駐劄為街招置土軍五十
人巡船三隻專如往來池內巡警捕緝盜賊從之

相度置寨

乾道四年六月十一日兩浙路轉運判官劉敏士言湖
秀州巡檢射村置寨去城止四十五里元非要害闊遠
去處竊見本州菁村南通德清縣西通安吉縣係私商
往來之地兼村疇廣闊盜賊多有乞就移湖州射巡檢
於菁村置寨庶幾可以覺察盜賊巡捕私商詔令兩浙
西路即憲司同相度經久利便聞奏

廣西七寨

乾道四年八月十四日吏部言廣西宜州德勝融文材
融州臨溪宜州堰江臨街五堡主管堡事邕州遷隆鎮
融江樂善融江通道瓊州西峯宜州帶溪思立安遠一
鎮七寨同管轄兵甲公事並見闕遠地无係本路辟差
昨承乾道三年七月指揮送部使闕差注見差親民資
序材武人令欲比附本部見使巡檢知寨條法破格注
初任材武人次經任監當不應材武人從之先是權發
遣容州楊堯弼奏乞將廣西見闕正官去處與破格差
注一次至是吏部措置來上故有是命

置巡檢案

乾道五年八月二十五日資政殿大學士知寧國府錢

端禮言本府宣城縣轄下地名麻姑山地里空迥人烟
希少往來兵卒因緣剽劫若不措置慮日後聚集滋蔓
相度欲於麻姑山置巡檢寨一所於本府管界巡檢寨
并徽州廣都巡檢寨兩處各撥二十人仍從本府添募
土軍四十人專一巡察盜賊寨屋從本府於麻姑山相
視衝要之所建立從之

添補寨軍

乾道六年二月二十八日兩浙東路安撫司言紹興府
餘姚縣沿海舊為海寇所擾自洋浦三山虎山眉山至
烏山烏盬下蓋盜賊群聚遂成洲藪雖置眉山廟山三
山寨經今數年卒無定論或從明州水軍差訓練官又

復用指使或正副將之屬或為巡檢或別差外官或三年一替或一季一易以此私權黨親故殊非朝廷主寨之意雖謂之防海曾無一海船可以出洋浦或有劫賊明擊金鼓剽奪殺人三寨軍兵在岸遙望而已兼所差官兵多於諸寨抽撥且如衛安二州軍人兩年^五替其於海道全不諳曉本司昨曾申獲救旨三寨以百百人為額乞降官錢萬貫打造海船六艘置造器械寨柵又臣僚奏請乞從安撫提刑司舉辟將官使之隨事措置以為永久之利選差上軍水軍便衛安二州軍人樂於得歸今欲計會前後詔旨詳酌施行其眉山寨乞從安撫提刑司辟差統領官一員其三山廟山各差將官隸

之眉山寨召募諸知海道土軍以補足五百人數以三百人就眉山以二百人分屯三山廟仍改作本司水軍從之

州縣置寨

乾道六年五月二十五日臣僚言自建炎迄紹興之季四十餘年間未嘗一歲無圍屋之寇太上皇帝在位日久知民間疾苦得旨令江南諸司相度於險隘處置巡檢寨招土軍一百二十人置巡檢一員仍令州縣置寨

防盜賊

屋以居土軍而桴鼓稍稀陛下登寶位之初又申嚴行

下而州縣不即奉行不度點胥黷貨必得鄉民厚賄始議置

立至於貧薄鄉村無從得賄其寨屋有至今未造者遂

南一作西

理宜存恤

行下本路

至盜賊不止欲望特詔江南提刑司取責州縣不置寨
屋故違聖旨之罪以為慢令者之戒庶幾兵民各有攸
處而盜賊少戢詔本路提刑司行下本州疾速修蓋如
依前違戾按劾聞奏

移寨駐劄

乾道六年十二月二十九日詔楚州監城縣水陸巡檢
移於本縣崗門市置寨駐劄以淮南路轉運諸司言崗
門市去縣十八里舟船往來通接淮口別無官司彈壓
恐私渡盜賊故也

補授寨官

乾道八年七月十八日措置兩淮官田徐子寅言被旨

案視激犒淮東山水寨民兵臣今親往諸鄉團結之處
詢審民情內有願改移它寨者並已各從其便緣內有
一寨止民兵三四十人而總首首領三四名若一例補
授誠恐泛濫今欲每縣乞選差總首一人特與一名目
諸寨應管轄間習忠勇民兵每一百人置首領一名特
與借補名目如一寨不及百人者許更勸募候人數足
方與推恩詔總首補進義副尉首領令本路安撫司借
補守闕進勇副尉餘依

城外軍寨

淳熙二年正月八日淮西江東總領單夔言乞令建康
馬司量撥軍兵三二百人於城外軍寨左近各置巡鋪

遇夜巡警仍不妨教閱從之

幫築堡寨

淳熙二年七月二十一日詔殿前司選差統制官一員軍兵一千人修揚州城壁依古城舊基幫築堡寨從知揚州郭第請也

詔廢水寨

淳熙八年七月十七日詔廢温州城下水寨

奏辟寨官

淳熙十年七月二十七日詔瀘南沿邊城寨堡官并指使並許安撫司奏辟從守臣趙雄請也

條整山寨

淳熙十四年二月二十二日興州駐劄御前諸軍都統
制吳玠言乞下階城等州常令修整山寨從之仍行下
四州常令點檢遇有些小損動即時葺理

差置寨官

淳熙十一年七月二十八日四川安撫制置使留正言
臣前具奏於黎州東南邊大渡河上修築要衝城差置
寨官移兵屯守以為控扼之計今已修築了當所有差
知要衝城官乞行下本司作員闕奏差令成都府路轉
運司應副請給所差官二年為任乞與依關外四州極
邊體例推賞詔依仍精加選擇務要得人

創置營寨

紹熙三年六月二十四日廣西經畧司言相度邕賓州
鎮鄒關口創置寨宇今踏逐到寨基一所在韋村大路
正屬兩州界尋常盜賊往來之地及創兩縣巡檢招收
置軍兵六十人為額兩州各招三十人均認請給巡檢
乞從邕州城外巡檢賞格仍將兩州指使各減一員以
其所減補其所增從之

調兵守寨

紹熙三年六月二十七日權發遣萬安軍杜孝恭言乞
將瓊州寨下土兵二十人移家屬改充調罷寨土兵為
額有關許令招填請受移就樂會縣支給其瓊州萬安
軍所差廂軍各一十五人每三月一替就委樂會縣差

撥土保丁改本寨木柵隨其地勢築作城使其博教地
爛兩村民兵各有總轄無事則各輪差轄下民兵一二
十人赴寨添同彈壓三月一替有警則各帶民兵赴寨
聽從防遏從之

差撥寨兵

紹熙五年閏十月十三日詔令福建安撫轉運提刑司
先次於汀州寧化縣下土寨修蓋寨屋一百間候修蓋
了畢於左翼軍見屯寧化縣四十大陂福林駐劄五
十人並盡數差撥前去下土寨屯戍其下土寨元分撥
到三溪黃土兩寨五十人發歸寨仍疾速具合行事件
及逐寨見屯人數并相去地里各若干畫圖貼說申樞

密院以諸司有請故也

建置營寨

慶元元年六月七日吏兵部言湖北安撫轉運提刑司
審度靖州通判鄧友龍乞將零溪堡拘沒何萬改嘉謀
田土招置刀弩手就零溪建置營寨在彼駐劄仍乞改
飛山巡檢知零溪堡兼充刀弩手訓練專一部轄教閱
誠為利便令欲從逐司已相度事理施行從之

輪兵守寨

開禧二年七月十六日詔慶元府三姑山都巡檢復遷
寨於三姑山普明院舊基所管水軍土軍與岑江烈港
兩寨軍兵分為兩番輪往屯泊每一季一替先是樞密

院言慶元府三姑山正當海港之要衝昨曾置都巡檢
寨後來承平既久以三姑山去本府稍遠船運勞費遂
遷寨於烈港是致三姑山闕兵船控扼近雖行下制置
司輪差水軍五十人船一隻於三姑山拋泊卓望緣兵
船頗少兼去來未定難以責任乞令依舊移都巡檢於
三姑山置寨繼而臣僚復以為請下沿海制置司相度
措置故有是命

辟置寨官

開禧二年十二月九日寶謨閣待制知瀘州李寅仲言
州舊為瀘南沿邊安撫使領瀘敘長寧軍三郡自元豐
間乞第擾攘之後三郡所隸堡寨官皆沿邊安撫使辟

置寔使之任其責也至乾道六年從臣僚之請陞沿邊
安撫使為潼川路安撫使自去沿邊之號而權任反輕
又自淳熙八年從臣僚之請其堡寨官除制置司存留
辟置外並送轉運司定差而安撫使俱不得與一旦緩
急堡寨之官視帥府不相誰何其能否皆不預知於邊
防豈不有誤且沿邊堡寨之官隄防夷獍責固不輕任
滿不至生事例陞一秩或減磨勘且富材武所以待之
者又不輕矣今也多求緣故抽差居平不肖邊鄙之事
任滿則覲沿邊之賞其間諸寨又有俸廩微薄歷數年
而不得代者苟免無聊何以責其潔已寡過乞治邊堡
寨官非有軍興不許抽差或因緣差出則任滿不許推

賞其有任滿而轉運司無官注授者見任人過滿而不
得代者許從安撫司權行差辟日後準此從之

起立寨柵

嘉定六年五月二十八日樞密院言廣東經畧安撫司
申審度關防海寇事件元中肇慶府常於冬春之時有
溫台明州白槽船盡載私鹽紅般上岸強買村民因而
劫掠家財已踏逐到廣州肇慶府兩界首起立寨柵每
遇冬月差撥水軍官兵五十人前去把截至次年春盡
減戍又廣州新會縣界有地名潮連山及雞灣官子渡
正是溫台福建私鹽槽船入廣路及海寇藏泊劫掠地
頭已各添置一寨往來巡捕海寇及溫台州等處鹽船

作過或有緩急兩寨互相應援元中海寇作過急出沒之地號上下川苦蠶頭屬新會縣亦是溫明州檣船入路委是要緊見措置起寨及於潮州水軍就撥六十人元中南雄州見令駐劄推鋒軍止有百兵合添撥防拓已帖推鋒軍統制於韶州第一將差撥官兵一百人前去元中河源縣雖有長吉寨翁源縣有東桃徑寨相去皆遠更合就龍南河源兩界之間平坑伍峒之南相度增置一寨撥推鋒軍五十人駐劄本司差官前去相度賴客賊從來往緊要隘路合於惠州河源縣管下各添置一寨又合於地名雉公長壕及元弓嶺樞斷路開壕塹用木槎寨本司支官錢委官勅造兩處寨屋并差官

兵五十二人分烏石瀧嶺兩處正是江西龍南興廣之河源接界贛客出沒不常既置兩寨相望把拓設有賊盜自可會合擒捕元申番禺縣流溪里合移置巡檢一寨兼管烟火屯駐土軍五十人外以防贛寇之入內彈壓峒民作過本司差官相度贛客賊徒往來緊要隘路合於地名赤崗村興福寺及曾家舊莊基堪置烟火巡檢寨又於地名庵村堪置權鋒軍駐劄兩寨相望緩急可以應援本司支錢委官架造庵村寨差撥官兵前去駐劄及於赤崗村起造寨屋又委官相度詳議到廣州有右一廂兵馬添監右一廂兵馬監押右三廂兵馬都監共三廂所管界分坊巷次第連接已將右一廂地分

分而為二東以屬兵馬監押兼管西以屬兵馬都監巡捕邵合省併古一廂兵馬添監一員充流溪里赤崗巡檢兼烟火職事又於廣州管下諸巡檢寨見管兵數多處抽到土軍前去隄防賴壓峒民毋致阻險作過從之

移寨隄備

嘉定六年十一月二十一日潼川府路安撫司言照對前政安撫李寅仲奏瀘州合江縣與南平軍白錦堡楊光榮族連接舊有大小兩溪皆在蕃界遠來大溪兩傍有九支遙堪青山安溪綏遠仁懷等寨足以隄備惟小溪至重慶府平易空曠絕無一戍以為防閑竊謂仁懷堡遙堪寨可省其一移置於小溪之隘口安溪所管知

寨都監二員亦可省其一移駐於小溪俾之彈壓防控
自後近司委官相度到遙垣寨仁懷堡向來建築各是
控制夷蠻難以移置外相視得小溪地名大魚灣一處
照見隘口黃趙二村夷人出沒要衝之地又照得附近
安溪一寨管知寨知押二員合移監押一員就所置小
溪新寨駐劄抽本縣所管戍兵五十名移駐小溪新寨
防戍所有官兵請受並從舊處支給委是經久可行已
得指揮依相度到事理下瀘州措置建築合江縣小溪
新寨量移軍兵五十人於新寨駐防拓遂委官相視
據申遙垣其地皆平無可守之險殊失建築本意又去
隘口十里太為迫近惟地名張平泉者高廣十餘里前

有對溪之險而兩山相束下瞰溪流不啻千仞上有數
小溪水泉清冽可供食用土壤甚沃亦有稻田可為永
遠之計又差官前往地頭建築了畢寨廨舍教甲陣一
一差備已差安溪寨監押前去新寨駐劄守把并下瀘
州差兵員一百名防戍所有安溪寨監押員關押員關
乞行住罷別立新寨員關併乞頒降寨名招以平泉寨
為名其合差知寨一員令潼川府路安撫提刑司公共
選辟一次

益置海寨

嘉定七年十月二十日權知慶元府兼沿海制置司公
事程覃言本司准樞密院指揮仰措置防拓海道見得

控扼北來緊切形勢全在慶元府昌國縣管下海洋三姑山蓋山東海船乘風而來必先經由三姑然後分路或入浙東或入浙西紹興年間所以於三姑山置都巡檢寨及於烈港岑江兩處各置指使並係三姑子寨通以橫江水土軍六百三十八人為名額當時有管巡船三十六隻今之三寨海船軍器十無其一今來正當防海之時乞將三姑都巡檢并烈江岑江兩指使三寨依舊温州城下水寨例並撥隸本司水軍仍聽慶元府統轄每歲自十月初一日為始不問有無邊警創置司定當更輪巡檢指使一員部領分撥三寨軍兵二百五十人前去三姑山出戍卓望仍於水軍差撥官兵五十人

揆為三百人其戰船器甲但干應敵之具盡於定海關
發前去及仰統制統領選差將佐撥發訓練官兵五十
人數內日逐申嚴金鼓水教一次遇夜宿船防祀並兩
月一替候來年三月初一日春和放散歸寨至十月仍
舊所是寨官與三寨軍兵合聽水軍差去將官彈壓庶
得脉絡相貫於海州襟喉之地常有兵船倚伏萬一賊
舟侵犯上伴戍卒便可在三姑山之前一面邀擊以待
大軍兵艦相繼而出不至蕩然全無限隔寔為利便及
體訪得三姑山孤立海心即無浦汊閃避風浪開禧年
間所撥寨兵并水軍共五百三十一人在彼防柝除三
裏冬月僅可擺布戰船五隻攤載水軍三百人外自餘

寨兵雖有昌國縣差到船隻拋在中嶼緣此處隔涉砂
塗軍人上下不便少有著船況民間十艘率皆淺窄但
可載人而已緩急亦難出戰今相度三姑山既不可多
泊軍艦只得且接三百人并戰船五隻前去出戍此外
卻有已遣發卓望水軍一百人戰船三隻自海鹽礁神
前山等處探報往來三姑不至單弱但軍人日逐亦當
在山上閱習射藝更迭休息夜間下船宿泊合用戍屋
卻當行下慶元府前去此山起蓋以備出戍官兵教閱
之所詔並依每日添支鹽菜錢三十米二升仰本司照
應支給施行 十二月六日沿海制置司言昨奉指揮
移定海縣內巡檢寨仍舊駐劄烏崎頭連白峯指使寨

并撥隸水軍仍聽慶元府統轄今契勘定海縣從舊係
海內白峯管界三寨并尉司共四處分認鄉界巡捕盜
賊搜檢銅錢禁物及承受府縣送下詞訴今來海內既
遷往烏崎除管界一寨外所有白峯尉司卻令與海內
新遷烏崎寨重分界至所有定海港等處巡攔市舶物
貨元在海內巡檢差劄內繫銜今來本案既移屯烏崎
合係定海縣尉司銜帶管之從朝廷關報差注巡尉去
處照應仍劄下本司以憑遵從施行又奉指揮分輪昌
國縣三姑烈港岑江三寨軍兵出戍三姑山並撥隸水
軍仍聽慶元府統轄今契勘昌國縣有管岱山三姑烈
港岑江四寨并尉司共五處其分管海鄉事務及承受

府縣送下詞訴等并合從舊若是水軍惟當數閱前後撥諫五寨軍兵武藝船水同共防把海道收捕盜賊如有相關諸寨事件其水軍並合具申本司行下庶得事理明白使縣道寨柵各有遵守從之

添置鎮寨

嘉定七年十二月二十八日詔令慶元府奉化縣添置戰崎鎮寨省罷本府酒官二員一員文武改差監戰崎鎮兼烟火公事一員武臣改差戰崎鎮寨巡檢令吏部依條格使闕先是臣僚言戰崎袁村皆瀕大海商船往來聚而成市習俗素悍富者開國出船藏納亡賴彊招客販貧者奪攘闕政雄霸一鄉動致殺傷欲乞置一

尉竊恐事不專一照得慶元府在成都酒務有監官文
資四員武職二員向來置比較瞻軍係省三務各立二
員分管酒額固不為冗後來既將三務併而為一所謂
六監官因循不曾減省及照得本府西門外有都巡檢
一寨額管軍兵一百二十人既不邊海止在城外巡警
鄉村盜竊及承受追會事件而已欲於城下都巡檢寨
分撥土軍五十人移屯戰崎只就漂溪職租地起蓋軍
房以慶元府戰崎巡檢寨為名仍於都務監酒內選撥
有材能文武官各一員並存監酒舊衙內文官帶兼管
戰崎烟火公事武官帶兼充戰崎巡檢其俸給於見請
數目各無增損庶幾彈壓得人森兇屏息故有是命繼

而有言者以戰崎鎮考究漢書地理志會稽郡注所載有鎮亭有鮎崎亭其他皆屬奉化俗訛為戰崎於義殊失古意乞早賜改正尋詔令吏部將慶元府奉化縣戰崎鎮寨並改作鮎崎鎮寨

立寨置官

嘉定八年十月二十一日詔湖州歸安縣荷葉浦置立巡檢寨以本縣言荷葉浦水面宏闊寇盜出沒欲立寨置官專一警捕故有是命

廢罷冗寨

嘉定十五年七月二十七日臣寮言慶元之象山有寨曰東門蓋曩歲兵馬增勑以防海道也本寨官兵雖以

六十人為額然皆無正兵迺李嶸之定海更替往來靡
有固志每替兵一至如寇攘然騷擾良民欺騙商旅村
墮雖犬為之一空原初立之始固日海道交會之地藉
其防遏不知東門為寨深處內港東有臨門西有亭山
南有牛亭北有比風四寨外環咫尺相望卒有緩急咄
嗟可集何藉於東門數十無常守之卒平有寨以來官
吏肆暴民之罹害十室而九漁戶竄徙客販不行夫置
寨本以防盜而民之被擾過於被盜為害若此詎容不
去乞將象山東門寨亟賜廢罷又照得台州之寧海港
頭鎮去縣僅餘五里既有縣則鎮不當立加以官吏貪
暴不顧三尺假征權之名虐取無藝瀕海細民破產蕩

業殞於非命者凡不知其幾昨者漕臣沈皞灼見其弊
申奏廢罷陛下亟俞其請甚盛惠也但聞漕司每歲代
納台州及通判廳四百餘千且朝廷既知鎮為一方之
害而罷去之區區數百千正何足計而顧使惠歸於漕
司每歲代納之錢乞下戶部於台州通判廳經總制錢
內特與除豁則百里之民歌舞陛下之賜曷有窮已詔
從之

哲宗正史職官志知城寨主掌訓治戍兵完固防守以
扞邊境受納賦稅聽居民之訴訟其小者專理之大則
稟于所屬有兵馬監押專掌甲兵訓練之事主簿掌勾
考簿書及通治民事知城寨

元豐七年二月十七日詔陝西河東沿邊新舊城寨見
闕官處委經畧司選舉才力使臣自今無得移見在官
近裏及別委幹當違者監司體量以聞送任寨官

紹聖四年四月二十一日沿邊安撫司公事章楙言前
石門好水河新建城寨乞創置將副各一員以涇原第

十一將兼提舉兩城寨及招置漢蕃弓箭手為名石門
城寨官八員知城一員以大使臣充都監監押共三角
以大小使臣互充巡檢四員以小使臣互充好水寨差
官七員寨主一員以大使臣充都監監押共三角以大
小使臣互充巡檢三角以小使臣充乞並以三年為一
任除依本路拘選城寨官巡檢合得酬獎外每人更與
特轉一官內將官陞路分都監副將陞正陞如元係正
將差遣亦依正將例知城寨主陞副將兩寨各乞置酒
稅務官一員寨主簿各一員從之創置寨官

紹興二十六年十二月二十二日左奉議郎通判興化
軍趙不猷言切謂通判者號為監郡職在按察在法外
縣鎮寨每季通判點檢其間或有苟賤不廉之人但取
常程文字一二備數或事實遊多差夫力或目土產廣
行收置又縱行隨行公人乞取謂之常例縣鎮公吏曰

點對城寨

緣徵取于民所至紛紛民不安堵則李點之法意安在哉欲乞令監司常切覺察如有違戾按劾以聞從之按

初鎮寨

紹興三十二年七月十三日孝宗即位未改元吏部言選人循轉止憑出身以來付身印紙不曾招保陳乞今欲乞將諸路州軍監縣鎮城寨正受朝廷付身選人各經見任州軍陳乞仍令本州委官點對別無冒偽保明申部施行從之